

Господын Иерусалимыш пурымыжо

Уло шүм-чонем дене чыландам Господын Иерусалимыш пурымо кечыже – Шертне рушарня дене шокшын саламлем.

Тиде пайрем мыланна шуком умылен налаш полша. Тўняште Юмын эрыкшым, ен-влак мо нерген шонат да утаралтмашым кушто ужыт, тидым палаш Черке полша. Нине кок улылымашым палаш шукыштан неле, поснак нунылан, кў Юмын мутшын вийжым да келгытшым огыт шиж.

Иерусалим воктене тунам мо лийын? Иерусалимыш толшо Утарышым калык кугу чап дене вашлийын. Колышо Лазарьым ылыжтымым калык ужын да Тудын вий-куатшым пален. Тудо огыл гын, Кў эше калыкын йодмым шуктен кертеш? Вет тунам израиль калык римлян-шамычын кид йымачышт утлаш шонен. Кў эше кужун вучымо эрыком пуэн кертеш? Тудо огыл гын, Кў эше чын, ушан, виян да чактараш лийдыме кугыжа лийын кертеш? Кў эше Шке вийже дене колышо еным ылыжтен кертын? Сандене калык «Осанна Давидын Эргыжлан!» манын, кугу куан дене кычкырен, Утарышым вашлийын. Тыгодым калык моло вуйлатышым, кугыжам ужын огыл, лач Тудым гына, Кў Шке вийже дене колымашым сенен ...

Лач тыште евангелийысе событийын трагизмже, тудо тачысе пайремын негызше. Господь калыкын куанен вашлиймыжлан нигузеат вашештен огыл, вет Тудын шўмжым келге ойго авалтен. Тудо ужын: калык Тудын мландымбак молан толмым умылен огыл. Юмын чынже нерген чыла калыклан, чыла эллан да чыла тукумлан таныклым мутшым умылен огыл. Юмын чынже Тудын кўштымашыштыже почылтеш. Икымшыже – «Шке Господь Юметым йўрате». Кокымшыжат тудын гаяк: «Лишылетым шкендым йўратыме семынак йўрате». Нине кўштымаш-влак ен-шамычын ушышкышт, чонышкышт да илышышкышт шыгышт манын, Господь туныктен коштын, ўрыктарыше пашам ыштен, тидланак колышо Лазарьым ылыжтен.

Но калыклан пуйто нимо кўлын огыл. Утарыше толын, а калык эн кўлешаным, йўратымаш нерген туныктымашым, ўрдыжкў шўкалын. Утарышын Иерусалимыш сеныше семын огыл пурымым да Тудым кучен, петырен шындымым да Ыресеш орландарен пудалымым ужын, калык Тудын

деч корангын. Тыгай Утарыше нунылан кўлын огыл. Кеч Тудын öрыктарыше пашажым, мутшын вийжым ужыныт, паленыт. Тунам чыла пуйто мондалтын. Вет тидыже тунамсе израильтян-влакын шонымышт ден ўшанышт дене кылдалтын огыл, сандене мондалтын. А Тудын мутшо да пашаже шонен моштышо ен-влакым теве ынде кок тўжем ий наре öрыктара!

Уло сандалыкым лўдыктышö да израиль калыкым шыгыремдыше Рим империй кушто вара кызыт? Эсогыл шўгаржат кодын огыл. Тунамсе куатше кызыт йомакыш веле савырнен. А тунам тиде вий айдемын ушыжым виктарен. Тудо калыкым Ыресыште кечыше Утарыше деч коранден, Тудым ужалаш да Тудын эн яндар капшым игылташ таратен.

Господьын Иерусалимыш пурымыж годым мо лийын, историйыште тиде адак пöртыл толеш. Юмын лўмжö дене мом Черке шуктышаш, ен-влак Юмо деч, Черке деч тидым огыл йодыт. Йодыт йöршеш весым – политикиште ик але вес тўшка вельште лияш, пуйто пиалын корныжым почшо иктаж толкыным вуйлаташ. Пиалан улмым кузе умылат? Шукырак йўаш да веселитлаш, кап-кыл йодмым шуктен ракатланаш. Черке тыгай пашалан тореш лиеш гын, южо енже моткоч öреш да Черке деч, тудым тоштемше да тачысе ончык кайыше илышлан кўлдымö манын, корангеш. Айдеме уш-акылын у сенгымашыже-влак тудым ўмыр мучашыштыже кушко намиен пуртат, шкеже умыленат огеш шукто.

Тыглай осел ўмбака шинчын, Юмын Эрге да Айдемын Эргыже могай йолгорно да корно дене Иерусалимыш пурен, тиде корно гыч Черке нигунам огеш коран. Христос тудо корно дене Ырес деке миен шуын да мландымбак толмо миссийжым вашталтен огыл. Тудо Юмын чынжым калыклан ончыктен да ен-влаклан утаралтмаш омсам почын. Юмын Черкыже тидымак ыштышаш, ниюгай сымыстарымаш да лўдыктылмаш, ниюгай шоя да тўнясе кугу вий тудым вес корныш савырен кертшаш огыл. Айдеме илышын чын цельжым Юмо рашемден, тудым нигö вашталтен огеш керт.

Сандене ме Господьын Иерусалимыш пуримо кечыжым «Осанна!» манын кычкырыше-влак дене огыл пайремлена, а Утарыше почеш шып

ошкылшо святой апостол-влак дене пырля лийына. Утарышын тўням утараш толмыжым нуно тунам уло шўм-чонышт, уш-акылышт дене умыленыт.

«Осанна!» манын кычкырымаш илышыштына кугешнымашым ынже лук манын, Юмылан кумалман. Мыланна Господьын ошкылмо изи йолгорныж гыч лопка, кумда кугорныш вончаш огыл ыле. Ме шке шўм-чоныштына Юмын пуымо чыным – Юмым да еҥ-влакым йōратымашым – эре кучышаш улына. Ёшанена, лач Юмын порылыкшо дене ылыжтыме йōратымашын вийже веле тиде тўням вашталтен кертеш. Аминь.

2012 ий, 8 апрель.

Утарыше Христос лўмеш Москва оласе

Кафедральный соборный храм.